

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“, broj 7/10), na prijedlog Ministarstva zdravstva, Vlada Zeničko-dobojskog kantona, na 75. sjednici, održanoj 16.08.2011. godine, d o n o s i

ZAKLJUČAK

I

Utvrđuje se Prijedlog Odluke o prenošenju prava i obaveza osnivača nad Javnom ustanovom Opća bolnica Tešanj.

II

Prijedlog Odluke iz tačke I. ovog zaključka upućuje se u dalju skupštinsku proceduru.

III

Zaključak stupa na snagu danom donošenja.

Broj: 02-_____/12.
Datum, 16.08.2012. godine
Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo zdravstva,
1x Stručna služba Skupštine,
1x Općina Tešanj (putem ministarstva),
1x Javna ustanova Opća bolnica Tešanj (putem ministarstva),
1x a/a.

Na osnovu člana 53. stav 4. Zakona o zdravstvenoj zaštiti („Službene novine F.BiH“ broj: 46/10) i člana 8. Zakona o ustanovama (Službeni list R.BiH“, br. 6/92, 8/93 i 13/94), Skupština Zeničko-dobojskog kantona, na _____ sjednici, održanoj _____ 2012. godine, d o n o s i

O D L U K U
o prenošenju prava i obaveza osnivača nad
Javnom ustanovom Opća bolnica Tešanj

Član 1.
(Predmet)

Ovom odlukom Zeničko-dobojski kanton prenosi prava i obaveze osnivača Javne ustanove Opća bolnica Tešanj (u daljem tekstu: Bolnica), na Općinu Tešanj (u daljem tekstu: Osnivač) i utvrđuje međusobna prava i obaveze u radu, rukovođenju, upravljanju i izvršavanju obaveza obavljanja zdravstvene djelatnosti za koju je Bolnica registrirana.

Član 2.
(Obaveze osnivača)

Osnivač preuzima obaveze da osigura sredstva za investicijska ulaganja i investicijsko i drugo održavanje prostora, medicinske i nemedicinske opreme, prevoznih sredstava Bolnice, te informatizaciju zdravstvene djelatnosti, saglasno planu i programu zdravstvene zaštite na području Zeničko-dobojskog kantona.

Član 3.
(Planovi rada i izvještaji)

Bolnica je dužna da Vladi Zeničko-dobojskog kantona redovno dostavlja svoje planove i programe rada, izvještaje o radu i poslovanju, te izvještaje o kontroli kvaliteta pruženih zdravstvenih usluga.

Član 4.
(Imenovanje direktora)

Bolnica je dužna da u postupku imenovanja direktora pribavi prethodnu saglasnost Ministra zdravstva Zeničko-dobojskog kantona.

Člana 5.
(Opoziv odluke)

Vlada Zeničko-dobojskog kantona zadržava pravo pokretanja postupka za opoziv ove odluke u slučaju ne izvršavanja obaveza koje su ovom odlukom utvrđene.

Član 6.
(Primjena)

Ova Odluka primjenjivat će se kao sastavni dio Statuta i drugih općih akata Bolnice.

Član 7.
(Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona.

Broj: _____/12.
Zenica, _____ 2012. godine.

PREDSJEDAVAJUĆI

O b r a z l o ž e n j e

I. PRAVNI OSNOV

Pravni osnov za donošenje Odluke o preuzimanju prava i obaveza osnivača nad Javnom ustanovom Općom bolnicom Tešanj, sadržan je u odredbama člana 53. stav 4. Zakona o zdravstvenoj zaštiti („Službene novine F.BiH“, broj: 46/10), koji propisuje da je osnivač bolnica kanton i članu 8. Zakona o ustanovama („Službeni list R.BiH“, broj: 6/92, 8/93 i 13/94), kojim je utvrđeno da osnivač, koji to pravo ima po Zakonu, može svoja prava i obaveze osnivača prenijeti na drugo pravno ili fizičko lice.

II. RAZLOZI ZA DONOŠENJE

Razlozi za donošenje navedene Odluke predstavlja zahtjev Općine Tešanj, aktuelnog osnivača Opće bolnice Tešanj i izražena spremnost da se nastavi sa planiranim razvojem i jačanjem ove zdravstvene ustanove i da redovno obezbjeđuje finansijska sredstva koja se tiču investicijskog ulaganja i medicinskog i tekućeg održavanja prostora medicinske i nemedicinske opreme i prevoznih sredstava, te informatizaciju zdravstvene djelatnosti prema programu mjera zdravstvene zaštite za područje kantona, što treba da omogući da se unaprijedi dostignuti stepen bolničke zdravstvene zaštite, za koji je ova zdravstvena ustanova registrirana.

Pored toga, prenošenjem osnivačkih prava i obaveza na općinu Tešanj, Zeničko-dobojski kanton će se osloboditi finansijskih obaveza, koje je kao osnivač zdravstvene ustanove dužan da izvršava.

III. OBRAZLOŽENJE PRAVNIH RJEŠENJA

U članu 1. Odluke utvrđeno je da Zeničko-dobojski kanton prenosi prava i obaveze osnivača Opće bolnice Tešanj, na općinu Tešanj.

U članu 2. utvrđene su obaveze osnivača da osigura sredstva za vršenje osnivačkih prava utvrđenih u članu 13. stav 2. Zakona o zdravstvenoj zaštiti.

U članu 3. propisana je obaveza Opće bolnice Tešanj da Vladi Zeničko-dobojskog kantona redovno dostavlja svoje planove i programe rada i razvoja, izvještaje o radu i poslovanju, te izvještaje o kontroli kvaliteta pruženih zdravstvenih usluga.

U članu 4. utvrđeno je pravo Ministarstva zdravstva Zeničko-dobojskog kantona da, davanjem prethodne saglasnosti, učestvuje u postupku imenovanja direktora Opće bolnice Tešanj.

U članu 5. ostavljena je mogućnost da Vlada Zeničko-dobojskog kantona pokrene postupak opoziva ove odluke u slučaju ne izvršavanja obaveza od strane osnivača ili bolnice, koje su ovom odlukom utvrđene.

U članu 6. utvrđeno je da će se ova Odluka primjenjivati kao sastavni dio Statuta i drugih akata Opće bolnice Tešanj.

U članu 7. propisano je stupanje na snagu Odluke.

IV. FINANSIJSKA SREDSTVA

Za sprovođenje ove Odluke nisu potrebna dodatna finansijska sredstva.